

Här Fernand Etgen
President vun der Deputéiertechamber
19, um Krautmaart
L-1728 Lëtzebuerg

Lëtzebuerg, den 23. Januar 2019

Här President,

esou wéi d'Chambersreglement et virgesäit, bieden ech lech, dës parlamentaresch Fro un den Här Minister fir Kommunikatioun a Medien weiderzeleeden.

Um Internetsite vun der ADEM, enger staatlecher Institutioun, déi dem Aarbechtsministère ënnerläit, fënnt een ënnert anerem Informatiounen iwwert den Aarbechtsmaart zu Lëtzebuerg an d'Sproochkompetenzen, déi an dësem Kontext noutwenneg sinn. Hei gëtt dem Lieser an der däitscher Versioun vermëttelt, datt d'Lëtzebuenger dräi Landessproochen hunn.

“Die einheimischen Arbeitskräfte beherrschen in der Regel die drei Landessprachen (Luxemburgisch, Französisch und Deutsch) des Großherzogtums und wenden sie im täglichen Leben aktiv an.“ (<http://adem.public.lu/de/marche-emploi-luxembourg/panorama-marche-emploi/maitrise-langues/index.html>)

An der franséischer Versioun gëtt da vun dräi “Ëmgangssproochen” geschwat.

“La main-d'œuvre autochtone parle couramment les trois langues d'usage dans la vie quotidienne (luxembourgeois, français, allemand).“ <http://adem.public.lu/fr/marche-emploi-luxembourg/panorama-marche-emploi/maitrise-langues/index.html>

Am Sproochegesetz vum 24. Februar 1984 steet kloer an onmëssverständlech geschriwwen, datt d'Lëtzebuenger nëmmen eng eenzeg Nationalsprooch hunn, an dat ass Lëtzebuergesch. Weider hält d'Gesetz fest, datt am Beräich vun der Verwaltung an der Justiz nieft dem Lëtzebuergesch an Franséisch an Däitsch genotzt gi kënnen a Franséisch d'Sprooch vum Gesetz ass. D'Regierung behaupt awer ëmmer nees an hirer Kommunikatioun, esouwuel an der Chamber ewéi och an der Ëffentlechkeet oder op ëffentleche Plattformen, d'Lëtzebuenger hätten dräi “Landessproochen”, heiansdo schwätzt si esouguer vu véier.

An dësem Kontext wéilt ech dem Här Minister gär folgend Froe stellen:

1. Wat versteet d'Regierung ënnert dem Begrëff “Landessprooch”?
2. Ass den Här Minister der Meenung, datt d'Betoune vum Begrëff “Landessprooch” bei de Leit zu Mëssverständnesse féiere kann, well de Begrëff “Nationalsprooch” domat verwiesselt a schliisslech “verwässert” gi kéint?

3. Ass den Här Minister der Meenung, datt, wann et ëm de Sujet vun de Sproochkompetenze mat Bezuch op Lëtzebuerg geet, ëmmer och misst drop higewise ginn, datt Lëtzebuergesch d'Nationalsprooch vum Lëtzebuerger Land a Vollek ass?
4. Bekennt sech d'Regierung nach zu där Grondausso vum Sproochegesetz, datt eleng Lëtzebuergesch d'Nationalsprooch ass?
5. Gëtt duerch déi Behauptung vun der Existenz vu gläich dräi sougenannten "Landessproochen" hei am Land net all Effort ënnerlaf fir Lëtzebuergesch als Integratiounssprooch ze promovéieren?

Mat déiwem Respekt,



Fernand Kartheiser
Deputéierten